



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

vt p[ra]dicti IX. gradus fuerunt in beata Maria. 38

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

MARGARITAE EVANG.

animæ meæ, qui cognoscis intimū spiritus mei, occulta animæ meæ, & profunda cordis mei, expelle procul ex his quæ tibi displicent in eis, & reuela fundum animæ meæ, in quo sanctum sanctorum absconditum est, quod tu ipse es dominus Deus meus. Adorna thalamum Sion. Consecra & sanctifica templum animæ meæ, offerasque te ipsum in sanctuario spiritus mei cum omnibus sanctis operibus ac meritis tuis, ad laudem tuam, & gloriam supersanctissimæ Trinitatis, ad lætitiā omnium sanctorum & angelorum, ad consolationem & salutem omnium hominum, & ad liberationem omnium in purgatorio existentium animarum: & benedic domum istā animæ meæ, reple eam cœlesti gratia ac benedictione, & in tuo eam amore & gratia conserva.

Qualiter nouē supradicti virtutū gradus in beatissima virgine Maria perfectissime inueniuntur, & qualiter eam orare debemus. Cap. XXXVIII.

DEnique, nouē hos virtutum gradus dulcissima virgo Maria perfectissime conscendit, et in suæ fundū animæ introuersa, ibidem regnū Dei, vitam æternā & omnem gratiæ plenitudinem inuenit, ipsumque Deū sine medio reperit & adorauit, illicque iugiter in sua origine morabatur, cum angelis conuersationē habēs, & in timore domini perfecta existens. Cū etiam omni reuerentia Deū honorabat atque laudabat: sicque in angelorum erat choro, Cuncta opera sua ex diuinitatis amore patrabat: sicque archangelis permixta erat. Cū discretionē omnes virtutes perfecte

LIBER II.

Altissime operabatur, sicque inter virtutes exte-
 rit. Dulcissima ac tranquillissima in omni ce-
 rat pressura, per quod malignos spiritus vin-
 cens, inter Potestates commorabatur. Seipsam
 & omnia quæ in mundo erāt, obliuiscēbatur, et
 sic inter Principatus conuersabatur. Constante
 introuersa fuit, & Deum in fundo animæ suæ iu-
 giter adorans, cunctis hominibus gratiam pro-
 merebatur: sicq; inter Dominationes fuit cōuer-
 satio eius. Perfectissime resignata fuit, & in vo-
 luntate cum Deo vnita thronus Dei exitit: sic-
 que inter Thronos commorabatur. A deo illu-
 minata erat, vt Deum cognosceret, & lympidif-
 sime contemplaretur in intimo mentis suæ: sic-
 que inter Cherubin cōuersabatur. Per diuinum
 denique amorem in Deum erat absorpta, & in
 sua ambulans origine, Deū perfectissime in sua-
 mer essentia videbat: sicque inter Seraphin fu-
 it conuersatio eius. ¶ Obsecro te dulcissima
 virgo Maria, contere caput serpentis, & spiri-
 tus malignos coerce, vt nec mihi, nec vlli ho-
 minum in hac via nocere, neque nos inderetra-
 here queant, quatenus per tuum exemplum, &
 sanctorum angelorum auxilium, per dilectum
 filium tuum scalā istam, nouem gradibus distin-
 ctam, ascendere, atq; per nouem angelorū ordi-
 nes, vsq; in nobilem illū fundum valeant pene-
 trare: in quo Deus inhabitat, & in quo eū omēs
 tam sancti, quam angeli contemplantur: quate-
 nus per diuinū timorem & amorē, virtutū dis-
 cretionem, humilem patientiā, me ipsius & mū-
 di contēptum, patientē introuersionem, vnionē
 ac resignatiōē voluntatis meæ in bñplacitum
 S iij diuinum,

MARGARITAE EVANG.

diuinum, claram cognitionem, & cogitationes feruidas, in intimo animæ meæ, regnum Dei & diuinam originem valeam inuenire, & inuentam diligentissime custodire. O Maria mater gratiæ, assiste mihi nunc & in omni tempore, potissime autem tunc, quâdo anima separanda est a corpore meo, ne tunc vlllo modo extra hanc salutis & veritatis viam recedat, nec in ignotas tenebrarum semitas per ignorantiam aberret, neque a malignis spiritibus capiatur: sed vt per acerbissimam dilecti filij tui passionem munda conseruetur, & per sanctissima mater ipsius diuina claritate irradietur, & in arcanam illam abyssum (in qua Deus inhabitat) se inclinet, & cum sua essentia in diuinam essentiam, & cum suis viribus in diuinam virtutem, & in verbi sempiterni brachia transeat, euoletque: sicq; ab ipso recipiatur velut a patre filius, a fratre soror, & a sponso sponsa, ad gloriam semper venerandæ Trinitatis.

Repetitio quædam præcedentium, qualiter scilicet Deus in anima habitet, & semper sit habitaturus,

Cap. XXXIX.

Credo proinde te o Deus vitæ meæ, habitare in anima mea: quippe, qui es cœlum deliciarum, in quo omnes cœli cœlantur. Habitas autem in cœlo animæ meæ, in quo & modo te contemplor, & perenniter contemplanor. Siquidem cum conscissus fuerit saccus mortalitatis huius, tunc regnum Dei in anima manifestabitur, & cum defecerit mortalium acies oculorum, tunc interiores oculi reuelantur.